

## ԱՍՎՈՒՄ Է ԼՍՎԵԼՈՒ ՀԱՄԱՐ <sup>1)</sup>

Մէ մարդ ունէք մի կին, որ մեշտ կռւում էր գրացիների հետ. տեսաւ մարդը՝ որ հնար չկայ այս զալմազալիցն աղասուելու՝ մի ուրիշ տուն. շինեց, և այն տեղ ընկվում էր:

### ՅԱՌԱԶԱԲԱՆ

Արդէն շատերին յայտնի կլինի որ մեք ճշմարիա և ան-խարդախ սրտով սիրելով մեր ազգը, ցոյց տուեցինք որ ազ-գային մատևնազրութիւնը պիտոյ է լինէր նոր և կենդանի լե-զուով. որ կարողանաւը կամուրջ բանալ Ազգի բանականութեան և գիտութեան գաղափարների մէջ: Բայց խոստովանում ենք ցաւելով որ մեր կողմից ճշմարտութեան դրօշակը բարձրացնելը շարժառիթ եղաւ մեր վերայ քանի մի կամտեր մարդերից բամբասանք հաւաքելու, սորանով երևում է որ այդ պարունակը գեռ ևս իրեանց տղէտ և անտեղի դատողութիւնը ստրկացած չեն կարողացել հասկանալ այն հիանալի խորհուրդը որ ծած-կած կայ այս գործի մէջ: Այդ պարունակը փշում են իրեանց փողը թէ կայ չկայ հին լիզուն էր որ պիտոյ է յօւաւորութեան սերմունքը հայոց ազգի անդաստանի մէջ ցանելու գործի դառ-նար պատճառ. որ մշակած լեզու էր. այս տղէտ և միանգա-մայն խաւար դատողութիւնը այնքան մի ծիծաղելի բան էր որ եթէ մի եւրոպացի բանագէտ մարդ հանդիպէր այն գրուածին որ այս մոլորական կարծիքն հերքում էր պիտոյ է շափէր և կշռէր ազգի խորին տղիտութեան վիճակը մինչև որ նորա անունով միայն ուսումնականներին մի պարզ և յայտնի ճշմարտութիւն.

<sup>1)</sup> Մ. Նալբանդեանցի այս աշխատութեան բնագիրը ու-ղարկել է մեզ մեր աշխատակից պ. Եր. Շահագիլը, որ ստա-ցել է հանգուցեալի բրոջորդի պ Յովհաննէս Խաչատրեանից: ԽՄԲ.

ապացուցանելու համար պիտոյ էին այդքան խօսք վկայութիւնք և օրինակներ:

Չատ և շատ զարմանալի է որ այդ հնամոլ պարոնները խօսելու ժամանակին թէև աղաւաղ այնուամենայնիւ նոր լեզուվ յայտնում են իւրեանց միտքը. ոորանով իրանք իրանց ապացուցանում են որ նոր լեզուն ունէր կեանք և գործածութիւն ընկերութեան մէջ, եթէ պատահում էր հարցանել դոցա, թէ ինչու համար հին լեզուով չեն խօսում ընդհանրապէս այլ նոր լեզուով, կը լսէիր պատասխան, թէ սովորական լեզուն աղքի բերանում այս է, և եթէ կամենային հին լեզուով խօսել այդ անհասկանալի էր ժողովրդին: Այս պատասխանը արդար էր և ճշմարիտ. բայց արի քննենք թէ ինչ է պատճառը որ այդ պատուելի պարոնները ինչ ժամանակ կամենում էին իւրեանց միտքը գրի միջնորդութիւնով յայտնել, իսկոյն այն մի ժամ յառաջ սովորական խօստովանեալ լեզուն կը պղծըվէր, և անհասկանալի նոր ժողովրդին հին լեզուն կը գար հանդէս, մինչև որ կամենում էին մինչև յետին շունչը պատերազմիլ և ճշմարտութիւնը շխոստովանել: Սորա պատճառը մեղ քաջ յայտնի է և այդ պարոնները իրանք ևս գիտէին, որ գիտենք. բայց որովհետև մինչև այժմ հանդէս չէինք բերած, այժմ պիտոյ էր հանդէսով ցոյց տալ որ հաստատուէին իւրեանց կարծիքի միջում. թէ իւրեանց կամակորութեան աղբիւրը մեզ քաջ յայտնի է:

Այդ պարոնները անուսումն մնալով և ամեննեին ծանօթութիւն չունենալով երոպէական բազմաճիւղ լուսաւորութեան մասին իւրեանց անունը մի անուսումն ազգի մէջ ինչպէս հայոցն է հանդէս հանելու համար խոկել են իւրեանց ուղեղի մէջ քանի մի հին լեզուի մեռեալ բառեր և այս դարձել էր նոցահամար մի սիւն (թէև շատ խախուտ), որից թիկն տալով կամենում են իւրեանց կանգնելը շինեն հաստատուն և տեղական, այժմ այդ պարոնները եթէ խօստովանէին ճշմարտութիւնը, և համաձայնէին որ հին լեզուն մեռեալ լինելով ազգի լուսաւորութեան ճանապարհ չէր, այլ պիտոյ էր նոր լեզուով գործ կատարել անտարտկոյս այն սիւնը ցած, կը գլորվէր իւրեանց կանգնելը սիւնի նման կլինէր գետնի երեսին թաւալ գալ. ահա այս անձնապահութիւնն էր որ հարկադրում էր սոցա պարիսպ քաշել ճշմարտութեան ջրի ընթացքի հանդէպը, ապա թէ ոչ ամեննեին հակառակելու տեղիք չկար այն բանի միջում որ պի-

առյ էր Ազգի հետ մտածել և խօսել այն լեզուաւ որ նորդն հասկանալի էր: Մեք երկար ժամանակ փորձելով ճանաչեցինք այդ հնամուների ցանկութիւնը, որ կամենում են թէ մեք նորանց արհամարհենք. ահա սորանով հասած թող ճանաչեն իւրեանց այդ ցանկութեանը, և եթէ աղբիւրը պիղծ էր մեր աշ-քումը մրշտի և այն ջուրը որ նորանից բշխում էր. ուրեմն նոյն արհամարհանքը ամենայն բոլէ հասանում է և պիտոյ է հա-սանի և դէպի նոցա անհիմն բամբասանքը և երեխայական դա-տաստանը. Խոկ մեք անխարդախ սրտով սիրելով ազգը երբէք յետ չենք կենայ որչափ ամենակալ տէրը կը չնորհէ մեզ կարողութիւն. նոր լեզուով աւանդել ազդին ինչ որ վայելում էին և յարմար էին ժամանակի հարկադրութիւններին:

Առաջին անգամ պատշաճ համարեցանք փոքր ի շատէ հան-դէս հանել հայոց մանուկների առաջն յունաստանի հին կրօնագի-տութիւնը սրանով կարող էին նոքա ճանաչել ամբողջ յօւնաց ազգի հոգին ինչ որ կար նոցա մէջ այն ժամանակ, և այս շատ ուղիղ մի բան էր պատճառ որ կրօնը մի այնալիսի պատկերա-ցոյց էր այն ազգին որին սա պատկանում էր, որ ազգի հոգին, լուսաւորութիւն, մի խօսքով նորա բորոր արժանաւորութեան հանդէսը կարելի էր քննել նորա կրօնից, պատճառ որ որքան լուսաւոր էր ազգը այնքան մաքուր էր և նորա կրօնը, այնքան ճշդած էին չափով և քանոնով կրօնի վերաբերեալները, ընդ հակառակն մեք տեսանում ենք որ մին անպիտան և խաւար ազգի կրօն լցուած է լինում աղօտ և խաւարային խորհուրդ-ներով ևս և խոկուած աւելորդապաշտութիւններով, կրօնի ներ-դործութիւնը ազգի վերայ շատ անչափելի մեծ է, համարենք թէ ամբողջ ազգի հոգին կրթիւմ է և դաստիարակում է նորա կրօնի ուսման առաջնորդութեամբը, բայց կրօնի վարդապե-տութիւնը տարածելու մասին ժողովրդի մէջ անպատճառ պի-տոյ էր ազգային մատենագրութիւն, սա էր առաջին և վերջին հնարը որ կարող էր տնկել իւրաքանչյւր մարդի մէջ կրօնի արժանաւորութիւնը և յատկութիւնը, մեք տեսնում ենք գոնէ յունաստանի կրօնի մէջ որ նա ինչ ժամանակ իւր ազգային աւանդութենով ստացած կրօնը ունէր շատ անծուծ և տգեղ բա-ներ էին այս տգիտութիւնը զեղեցկացաւ և միանգամայն նոր կերպ ստոցաւ ինչ ժամանակ յոյները փոխ առին կրօնական գիտու-թիւններ Եղիպատոսից և Փիւնիկիայից, մինչև Ցրոյացւոց պա-տերազմը կամ 300 տարի նորանից յետոյ մինչև Հոմերոսի ժա-

մանակը կրօնը բաւական միջակ հանապարհով յառաջ էր խաղօւմ. իսկ երբ ընկաւ ստ Հոմերոսի բանաստեղծական հարստար մտքերի տակ այն ժամանակ հոգևորվեցաւ նոր ի նորոյ իմաստափարական գաղափարներով. սրանում կարելի էր տեսանել վարդապետարան բարոյականութեան, ահա թէ մատենագրութիւնը ինչ ներգործութիւն ունի կրօնի վերայ: Ուրեմն կրօնի ուսումը պիտոյ էր սերմանել ազգի մէջ մատենագրութեան միջնորդութենով և այս երկուսը ձեռք ձեռք բռնոծ պիտոյ է մշակէին ազգի բանականութիւնը, բայց այն մատենագրութիւնը որ անհասկանալի էր ժողովրդին ոչինչ մի բան էր. սա այն մատենագրութիւն չէ որ թնակից էր կրօնի և այլ լուսաւորութեանց ազգի մէջ ատրածվելուն, սա մեռեալ և տնպիտանացեալ մի լեզու է բոլորովին անհասկանալի նոր և կենդանի ազգին, մատենագրութիւնը ամենայն ազգերի մէջ միշտ համեմատվել է նոցա դրութեանը և նոցա խրաքանչիւր դարու լեզուի խօսուածքին, այս միայն հայոց խելօք պարոններն են որ 19տերորդ դարու մարդերը կամենում են լուսաւորել հ-ըդ դարու լեզուով, ուրեմն մատենագրութիւն ասերով պիտոյ էր իմանալ այն մաքուր նոր հայախօսութիւնը որ ծանօթ էր և հասկանալի համարեա թէ մեր ամբողջ ազգին ուր և գտանվէին սորտ. ապա թէ ոչ զուր էր ամենայն ջանք և մտածութիւնը ազգի լուսաւորութեան մասին:

Եթէ հին լեզուով մատենագրութիւնը անհասկանալի լինեալ միանգամայն նոր ժողովրդին կարող էր կամուրջ լինել լուսաւորութեան, ապա ուրեմն մեր ժողովուրդը շատ ժամանակ է որ լուսաւորված է և մեք սխալ կարծէքի մէջ եմք պատճառ որ եւրոպացի լեզուներով որ հին լեզուի նման անհասկանալի էր մեր ժողովրդին կան աւանդված այնքան տեսութիւնք և նոր նոր գաղափարներ որ հին լեզուն կարծեմ դեռ. նոցա ստուերի մին քառորդն ևս չունի իւր մէջ. ուրեմն ամենայն հայ այն գրերիցը առնելով և իւր տանը պահելով (ինչպէս պիտոյ է անէ հին լեզուով հայ մատենանները) կարող էր լուսաւորվել: Այսպիսի խելացնոր գատաստան այն հնամոլ մարդերի գլխումը մենք չենք գովիլ, այլ իմաստուն և բանագէտ մարդերի և ամբողջ եւրոպայի համաձայն ասում ենք թէ շատ հեշտ է գերեզմանից մեռեները հանել կենդանացնել քան այդ ժանգոտեալ լեզուով նոր ժողովուրդ լուսաւորել: Խնդրում էինք եթէ միայն կը պատասխանէին մեզ այդ պարոնները. որաել է տեսնըված

որ մի ստուած մարդ ջերմացնելու համար նորան դնէին ստուցի մէջ, այն ողորմելին ինչ ջերմութիւն կարող է ունենալ ստուցից:

Հայոց ողորմելի Աղգը երկար ժամանակ անուսում մնալով բոլորովին ստուած մարդու է նմանում այժմուս, և հին լեզուն 1800 տարվայ ցրաերով արդէն ստուց է դարձել պատճառ որ նախ և յառաջ կետնք և գործադրութիւն չունի ընկերութեան մէջ. երկրորդ իւր մէջ չունի այն ջերմացուցիչ և սնունդ տուող հիւթը, որ եթէ դնէիր այն սառուցեալ մարդին նորան կենդանութիւն հաղորդէր. մեք այսքան ժամանակ քննելով այդ լեզուի ուղը և ծուծը ոչինչ չդուանք բացի քանի մի պատճական տեղեկութիւններից, երանի թէ և այս բանները գրված լինէին ինչպէս տեսանում ենք օտար լեզուների մէջ.

Նոր լեզուի միջում կայ հիանալի խորհուրդ երանի թէ հնար լինէր ասել այդ հնամոլ պարոններին. հին լեզուի միջում ևս կայ խորհուրդ բայց կորստական և շատ տարբեր այն խորհուց և միանգամայն հակառակ ինչ որ կայ նոր լեզուի մէջ. այդ պատճելի պարոնները եթէ փոքր ի շատէ ուղիղ տեսութիւն ստացած լինէին կտեսանէին այդ խորհուրդները, բայց ափսնս որ միմիայն հայոց հին և մեռեալ լեզուն ուսանելով մնացել են դէպի ուրիշ գաղափարները անզգայ. Մին օրինակ դեռ չենք տեսած որ հացը թէև միայն նիւթական բան էր մի մարդ ունենալով երկու տեսակ մինն հին քանի մի շաբաթվան արդէն քարացած իսկ միւսը թարմ և տաք, բաց թողնէր այն թարմ և նոր եփած հացը որ աւել սննդարար էր և ձեռքը պարզէր գէպ ի քարացած հացը որ յառաջ քան ստամոքսը գնալը բոլոր ատամները ևս կը փշէր: Հայոց հին լեզուն հնացած հաց է արդէն, և 1800 տարի է որ թխած է իսկ նոր լեզուն ամենայն օր եփվում է ջերմ է և սննդարար, ուստի սորանով շատ հեշտ կլինէր կերակրել հայոց աղգի սոված հոգին և սա աւելի հիւթ և արիւն կդառնար նորա մէջ քան թէ այն չորացածը և քարացածը որ չունի իւր մէջ այն կենդանական մասները. ով որ ականջ ունի լսելու թող լսէ, պատճառ որ ասվում է լսելու համար:

Մինչև հայոց Աղգի հեղինակը իւրեանց նպատակը չդնեն աղգի օգուտը. մինչև նորա չմոռանան սնապարձութիւնը և հին հեղինակի անունով փառաւորվիլը. մինչև նոցա մատենազրութիւնը չիննի նոր լեզուով, սուտ է և զուր ամենայն ջանք և

վաստակ ազգը լուսաւորելու, ին լեզուով ոչինչ չի յառաջանայ. եթէ յառաջացող էր մինչև հիմայ կը յառաջանար. կարծեմ 200 տարի աւելի է որ Վենետիկում հազարաւոր գրքեր տպվեցան բայց ազգը միայն արտաքին աչքով տեսաւ այսպէս կլինի և 200 տարի յետոյ և 1000 տարի յետոյ, և ինչպէս մինչև այժմ այնպէս և միշտ հայոց մանուկը կլինի օտարի հացի մուրացկան ամենայն օր դռնէդուռ մանդալով կը յագեցուցանէ սորանից և նորանից իւր իմացական ստամբուլ և այս կերպով սնունդ ստանալով նորա ազգութիւնն ևս կլինի մին խայտաճամուկ բան, անարմատ ծառու...

Ամենայն մարդ պիտոյ է իւր սեպհական կերպիւրն ունենայ, իւր սեպհական կենդանութիւնն ունենայ. ինձ ինչ օգուտ է եթէ ես տեսանում էի մի հարուստ մարդ և մասնակից չէի նորա հարստութեանը. այսպէս ինչ օգուտ է օտարի առողջութիւն և կենդանութիւնը եթէ ես հիւանդ այսօր կամ վաղը սպասում եմ մահին. հայոց ազգի անբաղադր զաւակները մինչև այսօր օտարի հացով են իւրեանց ստամբուլ յագեցուցանում և օտարի կենդանութիւնով ապրում են, և սորանով հետ զնետէ օտարանում են, այսու ամենայնիւնոքա չեն մեղաւոր. ժամանակի հարկաւորութիւնքը անխնայ պահանջում են, նա իւր սեպհականը չունելով օտարի հացի և կեանքի միջնորդութենով գործ է կատարում:

Հայոց ազգի մեծատունքը առաւել մեր կարծիքով պիտոյ է նախանձաւոր լինէին ազգի լուսաւորութեանը և պատշաճաւոր խրախոյս և քաջալերութիւն տային այն մարդերին որոնք անդադար աշխատում են ինչպէս յարմար էր ժամանակի հարկաւորութեանցը, ապա եթէ այս լինի, հեղինակը աշխատելով տիւ և գիշեր և վաստակելով, լունի կարողութիւն իւր աղքատ քսակից բաշխել ազգի մանուկներին պարգև, հեղինակը իւր աշխատութեամբը իսկ ազգի մեծատունքը իւրեանց տուրքովը պիտոյ է գործ կատարեն, մինը առանց միւսին ոչինչ չեն կարող տռնել, և եթէ այսպիսի պատշաճաւոր միաբանութիւններ չըկային, եթէ ամենի նպատակը ազգի լուսաւորութիւնը չէր ուղիղ ճանապարհով, եթէ հին լեզուն կենդանի աշխարհքիցը տարագիր չէր, սուտ է ամենայն լուսաւորութիւն զուր ջան և անօգուտ վաստակի:

Մեք գոնէ լսում ենք բանագէտ մարդերի բերանից ոռոնք փորձ առած լինե ով կարող էին փորձանքի մէջ եղողնե-

ըին օգնական դոտանվիլի, թէ հչենչ աղդ չի կորչի եթէ նորա լեզուն պատշաճաւոր կերպով ճոխանայ արմատանայ և հաստափի աղդի հոգու և սրտի մէջ. այսպէս ոչինչ աղդ կարող չէ իւր գոյութիւնը և կետնքը յարաւեէ կորուսաներով իւր պատշաճաւոր մատենագրութիւնը և լեզուն. աղդ ինքն ըստ ինքեան աղդ չէ եթէ չունի լեզու. մեք տեսանում ենք մարդում բաղկացութիւն երկու իրից առանց որոց նա չէր մարդ այսինքն հոգին և մարմինն երկուսը լծորդեալ լինելով, կառուցանում են. այն արարածների մէջ չքնաղ և վանմ ստեղծուածը որ միայն իւր արարչի պատկերն էր, այսպէս աղդութիւնը ունի իւր հոգին. և այս հոգին լեզուն է. առանց ոյս լեզուին չկայ աղդսուտ բան է և առասպել առակ. ոչինչ բան չէ կարող բնութեան մէջ լինել կենդանի եթէ չկային նորանում հոգի, այս հոգին լեզուն էր. բայց հայոց աղդը իւր լեզուն թողել է անմըռշակ և նորա մատենագիրքը և հեղինակը մինչև այսօր տախացի գաստիարակութենով սնունդ առած լինելով աւելի նախընտիր են համարել որ իւրեանք փառաւոր մարդերի կարգումը երևէին հին լեզուով գրողների միջին քան թէ նոցա գրածիցը աղդի անբաղդ զաւակները օգուտ ստանային, թէն ցաւելով հարկէ խոստովանել ինչ էր դոցա գրածը բաղդատելով երապէական բազմանիւղ և բազմօրինակ լուսաւորութեան հետ քանի մի արեղայական մաքեր կամ ստանաւորներ անօգուտ էին տպացը մինչև հիմա իւր մատենագրութեան մէջ մնացել է միշտ ստանաւոր և դորանից է. որ հասել է այս ողորմելի վիճակին. այժմ հարկաւոր էր ձիաւորվիլ. ստանաւորով ոչինչ չի յառաջանայ, երանի թէ դորա գրողներն կենդանի և առողջ ականջ ունենային այս խօսքերը լսելու, որ ասվում է լսվելու համար։ Պատճառ. Աղդը լուսաւորելու համար հարկաւոր չէր ստանաւորներ և ոչ խրթին և հին հայախօսութիւն որ 19 դարու տըսկէտ մարդերի միմիայն պարծանքն էր. այլ պիտոյ է տալ աղդի մանուկներին ընդհանրապէս բովանդակ աղդին այնպիսի ուղղի գաղափարներ գիտութիւնների վերայ որպիսի տեսողութիւնով լուսաւոր էին Եւրոպայի բարեբազու բնակլիքը. միաքը բանականութիւնը տեսութենով և կենդանի գաղափարներով կլուսաւորվի, այս էր նորա ներքին օգուտը. իսկ այդ մեքենապաշտութիւնը որ յառաջանում էին աղէտ մարդերի մէջ կապիկի նման աշխատ լինելով նմանեցնել իւրեանց գրածը Եղիշէին

կամ Խորենացինն, այդ մի այնպիսի խելագարութիւն էր որ եթէ իւրեանցից ևս հարցանէիր չունէր պատասխան. թող որ մինչեւ հիմա իսկ այն հեղինակների գրածը ոչինչ արդիւնք չունին յառաջացուցած ազգի մէջ, այդպիսի ձգուղութիւնքը ոչ այլ ինչ էին բայց եթէ մոլեռանդ թոփիք երեակայութեան որ գիտէ ոչնչից դոյացնել հոյակապ ամբարտակներ մինչ իրսղապէս հորի միջում էր ինքը. թող հայոց մանուկը սովորի իւր մայրենի լեզուով ազատական գիտութիւնները, թող նա այն աշխատութիւնը ինչ որ գործ է դնում հին և մեռեալ լեզուն սովորելու համար, գործ ածէ հարկաւոր գաղափարներ ստանալու մասին, չէ պիտոյ նորա հինգ դարու հայախօսութիւնը այդ նորան հացու ջուր չի տայ, նոցա հարկաւոր է գիտութիւնը որը կարող է ստանալ նոր լեզուի միջնորդութենով որ կեանք և կիրառութիւն ունենալով ընկերութեան մէջ այլ և ուղ և ծուծ ունենալով կարող էր հիւթ և արիւն դառնալ և սնունդ տալ հայոց տկար զաւակներին:

Այս բաները խօսելուց յետոյ եթէ պատահելու լինի մեզ տեսանել այդ հնամոլ պարոնների կողմից անդարձ կամակորութիւն, ուրիշ ոչ այլ ինչ կարող ենք եզրափակել, այլ այս միայն որ այդ մարդիկը մեռուցանելով իւրեանց խիղճը կամենում են պատճառ գառնալ որ հայոց մանուկների տարբարադդ վիճակը որ սկսած 1800 տարից տեսում է մինչեւ այսօր, շարունակվի հազարաւոր տարիներ և սորանից յետոյ, սորա համար որ միայն այս պարոնները իւրեանց աննըշան կեանքի մէջ իւրեանց անունը հին և մեռեալ լեզուի արձանի վերայ կարողանան զբոշմել. թէս այս ողորմելիքը չգիտին թէ ուռանոսի փոքր որդին դիտանեցը երդում է կերած ոչընչացնել այսպիսի անպիտան որդիները, բայց կարող է այս որդիքը փրկելու ջանք դնելով նախ և յառաջ այդպիսի յիշատակաց արձանները կտայ կուլ տալու, բացի սորանից յոյս ունինք որ ազգը ինքը ևս այժմ ինչպէս մինչեւ այսօր ընական ուղիղ դատողութենով բաց է թողել մեռածը և պահել է իւր մէջ կենդանի լեզուն թէս անուսումն լինելով աղճատել է և խանգարել, այսուամենայնիւ չատ հաւանական է որ այսուհետեւ ևս միշտ աշխատութիւն գործ դնի գտանել և ընթեռնուլ այն մատեանները որ գրվում էին նոր հայախօսութենով այլ և ջանք անէ փոքր առ փոքր մաքրել իւր խօսուածքը դուրս ձդելով այն բառերը որոնք օտար ազգերից մտած էին այսպէս և զաւա-

ռատկանը մասնիկներ կամ կոշտ ու կոպիտ ոճերը, որքան և որշափ կարելի էր:

Մեք որչափ կարողացել ենք քննել և ճանաչել, հասկացել ենք որ մարդում լեզուն այն ժամանակ կարող է խօսել ինչ ժամանակ միտքը արդէն խօսելի բանը դասաւորում է, պատճառ որ խօսքը որ ձայնաւորված լսվում էր օդի մէջ մեր բերանից մեր իսկ մաքի ծնունդն էր. լեզուի պաշտօնը այստեղ այս էր որ մեր մտքով հասկացածը նա լսելի շինէ օդի միջնորդութենով ուրիշներին, շատ զարմանալի է որ այդ պարունները որ հին լեզուի պոշը բռնած քշում են իւրեանց էշերը յառաջ, չեն կարողացել մինչև հիմա ճանաչել թէ լեզուն եթէ չունի իւր մէջ այն սննդարար ուղը և ծուծը եթէ նա մշակած չէ ինչպէս պահանջում էր հարկը, ոչ այլ ինչ է բայց եթէ մին թարգման որ մաքի ծնուցածը գուրս է հաղորդում ուրիշներին, տարակոյս չկայ հին լեզուի մէջ ուղ և ծուծ և սնունդ վիճնե. յուն, արդէն ցոյց տուել ենք որ նա չունի այդ բաները, մեք տեսանում ենք նորան միմրայն իրքեւ պահարան հայոց հինդ դարու լեզուախօսութեան և քանի մի անցքերի. ուրեմն եթէ և շատ քաջ սովորէր հայոց մանուկը այդ լեզուն, այնուամենայնիւ տգէտ էր և ոչինչ չգիտէր միմրայն մի չոր լեզու գիտենալը փոր չի կշտացնի եթէ նորա հետ կապակից չէին այն յագեցուցիչ և սննդարար հիւթերը որ կարող էին արիւն դառնալ և հաստատել սիրտը, բացի սորանից հայոց մանուկի հանդէսը կամ ասպարէզը ո՞րն էր արդեօք, իւր հին լեզուն հանդէս հանելու ոտանաւոր գրելն եթէ քանի մի հատուկտոր տղայական ճառք, և ո՞րոնք էին այդ հանդէսը բոլորողը, նա որ հանդիսում երեսում էր իւր հին լեզուովը արդեօք կարո՞ղ էր իւր համար դատաւոր գտանել հասարակութեան մէջ, արդեօք նորա գրածը հասկանալի էր ժողովրդին. այն ձայները ինչ որ նա հանում էր արդեօք լսողների ուղեղին կը հասնէր իրքն նշանական ձայներ թէ միայն ականջի թմբուկի արձագանքը կսէր այն հասարակ մարդը առանց ոչինչ հասկանալու, ինչպէս կարեի է խօսել մի մարդի հետ այնպիսի մի լեզուով որ նա չէր ուսել, որ նորան անծանօթ էր. այգքան պարզ և լուսապայծառ ճշմարտութիւնը չեն կարողանում այդ պարոնները գեռ իստակ աշքով տեսանել, ուստի և ասում են որ պիտոյ է մարդ այնպիսի լեզուով խօսի որ գիմացի մարդը նորան չհասկանայ, և որչափ իւրթին և մութը կը խօսէր այնչափ արժանաւոր և քան-

քարտոր էր հեղինակը, սոքա բնութեան կանոնին չհաւանելով՝  
որ դրել է մարդուս մէջ լեզու և բանականութիւն սրտի զգաց-  
մունքը ընկերին յայտնելու մասին, իւրեանցից կանոն են հաս-  
տաել թէ պիտոյ էր խօսել այնպէս որ դժուար լինէր հաս-  
կանալ, ուրեմն եթէ դժուար հասկանալի խօսելը գովելի մի-  
բան էր, բնաւ շխօսելը ո՞րչափ և, սոցա մօտ այսքան իրաւունք  
ունի ճշմարտութիւնը կամաւ և յօժարութիւնով միմիայն իւր-  
եանց թքածը չկամենալով լինել, յանձներն են առնում համ-  
բանալ և ճշմարտութիւնը շխօսուվանել:

Քանի մի խօսք ևս պատշաճ համարում եմ ասել այն մար-  
դերին, որոնք այնուամենայնիւ իւրեանց ողբալի տգիտութե-  
նովը համարձակվում էն բերան առնուլ գերապատիւ 'Ստե-  
փաննոս վարդապետի գրուածքը, թէ նորա լեզուն ոչինչ քա-  
ղաքի սեպհական չէ, թէ զրոց բառերով խառնըված է, և թէ  
ազգը չի հասկանայ:

Մեր խօսելով մ. աշխարհաբառ և նորախօս լեզուի վե-  
րայ երբէք չենք մտածել որ այդ լինի մի քաղաքի մասնաւոր  
կամ մի երկրի յատկացեալ բարբառ, պատճառ որ մեր նպատա-  
կին առաջին արգելքը կինէր այդ. այլ միշտ իմացել ենք այն յըս-  
տակ հայախօսութիւնը, որ կարելի էր հասկացվել և ամենայն  
տեղ գտանված հայերից եթէ նոքա ծանօթ էին միայն  
մայրենի լեզուին այսինքն եթէ և նոր լեզուն չէին կորու-  
սել ինչպէս Տաճկաստանումը կամ Ռուսաստանում կան շատ  
օրինակներ, այն գաւառական լեզուներն մեզ ամեննին անպի-  
տան չ, պատճառ որ այն կոչտ ու կոպիտ եզրուովը ոչինչ մար-  
դավայել ազնիւ միտք մանաւանդ ուսումնական խնդիրների  
վերայ չէ կարելի բացայայտել, իսկ թէ ինչու համար խառն ե-  
ղել է գերապատիւ Նազարեանցի խօսուածքը գրոց լեզուի հետ,  
պատճառը շաա հեշտ էր ճանաչել որ նոր լեզուն չունէր  
այնպիսի բառեր որ կարողանային յայտարար լինել այն միտքե-  
րին, ինչ որ հեղինակը կամենում էր ասել և գրել և սորա պատ-  
ճառն այս էր, որ իւրաքանչիւր այդպիսի բառի փոխանակ հա-  
յոց հասարակ մարդով գործ է ածում զանազան օտար ազգերի  
բառեր կամ ուսուաց և կամ տաճկաց: Ուստի բնական ուղիղ  
դատողութենով քան թէ օտարի լեզուով յայտնել այն միտքը  
նա գրել է հին լեզուի բառերով, այս բանը մեք միշտ տեսա-  
նում ենք եւրոպացւոց մէջ մանաւանդ գաղղիացւոց, որոնց բառերի  
շատը գեռ պահում է իւր մէջ բնական լատին ձայնը, լեզուն-

մի այնպիսի բան չէ որ ով կամենայ և երբ ուզածին պէս շինէ կերպաւորէ դորան. հարկաւոր է ժամանակ, շատ անգամ հարիւրաւոր տարիներ չեն թողով փոփուռութեան կնիք թող որ մի մարդ, իսկ թէ կային աշխարհարառ լեզուի մէջ այն բառերը որոց փոխանակ պատուելի Նազարեանցը գործ է դրեւ հին բառեր թող՝ այդ պարոնները իրանք գրեն աւելի մաքուր և յօտակ և օրինակ լինեն մեզ իւրեանց մաքուր հայախօսութենովը այնպէս որ եթէ գերապատիւ Նազարեանցի գրածը կարող էր լինել 10000 մարդի անհասկանալի իրանց թող 1000 մարդի լինի միայն, բայց չինի այնպէս ինչպէս եղել է մինչեւ հիմայ որ չորս ու կէս միլլիօն ժողովուրդից հասկացել են հենց հարիւր կամ հազար մարդ:

Ազգը երբէք չի կարող ուրանայ գերապատիւ Նազարեանցի աշխատութիւնը և անխարդախ դէպ ի ինքը սէրը. նա ուղիղ և պարզ մազով կը տեսանէ այս չնաշխարհիկ և իմաստուն հեղինակի քնքուշ սիրաը, թող և մեր սիրելի բարեկամ պարոններն ևս անհոգս մնան որ նոցա փառասիրութիւն և հեղինակի անուն ժառանգելու յիմար ձգտողութիւնը ևս անծանօթ չի մնայ ազգին գոնէ այսուհետև եթէ ամենակալ աէրը կը բաշխէր մեզ կարողութիւն...

Ազնիւ մարդում ցանկալի է ընդհանուրի օգուտը, բացառութիւնը ընդհանուրի անպիտան անդամն է, ասվում է լուսկելու համար:

ՄԻՔԱՅԵԼ ՆԱԶԱՐԵԱՆԴԵՍԱՆ

---